





第八七三册

四庫全書

●上海古籍出版社

本冊目次

類

說

宋曾慥編……………一

欽定四庫全書

子部
類說卷二

詳校官中書臣張姚成

自外郎臣牛綸文覆勘

總校官檢討臣何思鈞

校對官中書臣高中

膳錄監生臣郭世俊

欽定四庫全書

子部十

類說

雜家類五
類纂之屬

提要

臣等謹案類說六十卷宋曾慥編慥字端伯

晉江人孝寬曾孫丞相懷之從兄也官至尚

書郎直寶文閣奉祠家居撰述甚富所選樂

府雅詞已別著錄此乃其僑寓銀峰時所作

成於紹興六年取自漢以來百家小說採掇

欽定四庫全書

類說

事實編纂成書其二十五卷以前為前集二

十六卷以後為後集其或摘錄稍繁卷帙太

鉅者則又分析子卷以便檢閱書初出時麻

沙書坊嘗有刊本後板亡佚寶慶丙戌葉時

為建安守為重鐫置於郡齋今亦不可復見

世所傳本則又明人所重刻也其書體例乃

刪削原文而取其奇麗之語各加標目於條

首與當時王宗哲所刊紺珠集相同至分部

采撮各以原書為次不別加編類又為陶宗

儀說郭所自祖然其時古籍尚多慥又精於

裁鑒故所甄錄大都遺文僻典可以裨助多

聞若紺珠之太畧說郭之太繁皆不如此書

博約兼資足稱完贍又每書雖經節錄而以

原書相校未嘗改竄一詞如鄴侯家傳下有

注云泌子繁作皆稱先公今改作泌云云即

一字之移易猶詳慎不苟如此可見宋時風

欽定四庫全書

類說

俗之近古固非明人逞臆妄改者所可同日

而語耳乾隆四十六年四月恭校上

總纂官臣陸錫熊臣孫士毅

總校官臣陸費墀

欽定四庫全書

類說目錄

卷一

穆天子傳

七萃之士

八駿

策府

食苦

欽定四庫全書

類說

木禾

造父三百

大木碩草

懸圃

白鵠之血

馬敵玉

盛姬壁臺

漢武帝內傳

玉果璿珠

金鹿銀麋

樂池

王母觴于瑤池

天子之弓

左佩華

珠澤

稊麥

與井公博

黃竹歌三章

紫蘭室女

命侍女鼓吹

乞度世之術

上元夫人

五性

尸解下方

五岳真形圖

十二事

東方朔窺窻

雲林之璫

方朔來龍飛去

經見山室

趙后外傳

宜主合德

新興髻慵來粧

欽定四庫全書

類說

禍水滅火

遠條館

溫柔鄉

唾袖

婕妤翔護

七香豈菟湯

萬年蛤不夜珠

二十六物

合宮之舟

簪擊玉甌

留仙裙

赤鳳自為姊來

紫玉九雛釵

少孀館

楊妃外傳

霓裳羽衣曲

得寶子

給粉翠千絲

杜甫詩

七寶冠

瑣子金帶

竊寧王玉笛吹

生女勿悲酸

紫雲迴

凌波曲

謝阿蠻

請一纏頭

綠玉磬

芍藥

任風吹多少

水精屏

欽定四庫全書

類說

合歡橘

雪衣女

明駝使

端正樓

荔枝香

重三百五十斤

猪龍

與娘子併命

善地受生

術士詩

雨霖鈴曲

錦香囊

梨園弟子

刻木牽絲作老翁

玉妃太真院

櫻桃蔗漿

元始孔昇真人

錦襪

落妃池

珠翠可掃

列女傳

鳥工往

胎教

婦人無二天

柳下惠誄

母師

遂伯玉車聲

女宗

通壁鄰國

欽定四庫全書

類說

四

欽定四庫全書

類說卷一

宋曾慥編

穆天子傳

穆天子傳者太康二年汲縣民發古塚所獲書也王好巡狩得盜驪綠耳之乘造父為御以觀四荒北涉流沙西登崑崙見王母竹簡素絲皆古書頗可觀覺謹以二尺黃紙寫上請付秘書藏之中經副在三閣謹啓
七萃之士

欽定四庫全書

類說

一

飲天子蠲山之北征乃絕漳水觴于磐石乃奏廣樂載立不舍至于犬戎胡觴天子于當水之陽乃樂賜七萃之士獵獸于滌澤得玄狐玄貉河宗伯大逆于燕然之山勞用束帛加璧聿將六師命吉日天子大服冕褱輶帶搢笏夾佩奉璧南面立于塞下河宗受璧西向沉于河再拜稽首天子大朝于黃之山披圖視典用觀天子之珥器玉果石似美玉所謂文果也璿珠燭銀銀有光猶玉膏黃金之膏金膏亦玉膏伯天渠渠黃之乘為天

類說目錄

子先

玉果璠珠 見上

八駿

天子之駿赤驥盜驪白義踰輪山子渠黃華騮綠耳

八駿皆因其毛色以為名號 狗重工徹止翟猓口黃南口來白驥

狗名亦猶黃耳韓盧宋黠之類

金鹿銀麋

天子北征曹奴之人賜天子于泮水之上賜金鹿銀

欽定四庫全書

麋 今有地中得銀純金狗之類皆古賂夷狄奇貨

策府

天子東還封長肱于黑水之西 即長臂人也臂長三丈長脚人國亦在赤

海循黑水至羣玉之山 西王母所居 先王之所謂策府 古藏

書策之府所謂藏之名山也 天子取玉板三乘玉器服物於是載

玉萬穀

樂池

天子休于玄池之上乃奏廣樂三日而終是曰樂池

天子乃樹之竹是曰竹林

食苦

天子休獵苦山於是食苦 苦草名可食

王母觴于瑤池

吉日甲子天子執白珪玄璧見西王母好獻錦組百

純白組三百 純純足端名 西王母再拜受之觴于瑤池之

上西王母為謠曰白雲在天山陵自出道里修遠山

川間之將子無死尚能復來天子答曰子歸東土和

欽定四庫全書

治諸夏萬民平均吾顧見汝

木末

天子東征至黑水之河爰有野麥蒼葦西膜之所謂

木末 粟類也長五尋 有采石之山 文采之石 飲于文山之下文山

之人獻良馬十駟角牛三百守狗九十牝牛二百以

行流沙天子予豪馬虎狗豪羊

天子之弓

天子之弓射人步劍牛馬犀口器千金天子之馬走

十里勝人猛獸天子之狗走百里執虎豹

造父三百

天子之御造父三百下云三百為御者耿脩芍反造父善御餘未聞也

左佩華

天子曰於乎予一人不盈于德而辨于樂後世亦追數

吾過乎七萃之士曰天子後世所望無失天常農工

既得百姓珥富官人執事與民共利世以為常天子

嘉之賜以左佩華也玉華之佩玉華之精者

欽定四庫全書

大木碩草

天子西南升王居似說古賢聖之居有大木碩草膏口之人

獻酒百口于天子百下脫威酒氣名

珠澤

天子北征舍于珠澤因獻食馬三百可供牛羊三千

懸圃

春山之澤清水出泉溫和無風先王之所謂懸圃天

子得玉策校斯之英

稊麥

天子西征至于赤鳥獻酒千斛稊麥百載稊似麥而不粘天

子賜墨非黃金貝帶乃膜拜而受天子取嘉草嘉禾以

歸樹于中國赤鳥之人亦獻二女于天子曰赤鳥氏

白鵠之血

巨蒐之人獻白鵠之血以飲天子其牛馬之漣以洗

天子之足

與井公博

欽定四庫全書

天子與井公博三日而決居于臺以聽天下之政

馬歆玉

天子東遊黃澤宿曲洛使宮樂謠曰黃之池其馬歆

沙皇人威儀黃之澤其馬歆玉皇人受穀

黃竹歌三章

天子南遊黃室之丘以觀夏后啓之所居獵革澤大

寒雨雪作詩三章以哀民曰我徂黃竹口員閭寒帝

收九行嗟我公侯百辟冢卿皇我萬民旦夕勿忘

盛姬璧臺

天子舍于澤中盛姬告病取漿而給是曰壺輜

輜與適同

至于累璧之臺殯于穀丘之廟葬于玄池謚曰哀淑

人天子丘之是曰淑人之丘天子除喪始樂素服而

歸降休于兩栢之下永念傷心七萃之士諫曰自古

有死有生豈獨淑人天子南征入于南鄭

漢武帝內傳

紫蘭室女

欽定四庫全書

類說卷一

六

武帝忽見青衣女子曰七月七日王母暫來帝問東

方朔此何人朔曰西王母紫蘭室女傳命往來至日

帝盛服立階下夜聞雲中有簫鼓聲王母乘紫雲車

駕九色斑龍別有天仙皆身長一丈王母上殿自設

精饌以棣盛桃七枚帝食之甘美母曰此桃三十歲

一生實

命侍女鼓吹

王母命侍女王子登彈八琅之琰董雙成吹雲和之

笙許飛瓊鼓震靈之黃法嬰歌玄靈之曲

乞度世之術

帝叩頭曰以臣之受質不才沉淪流俗政事多闕兆

民不和仰慕靈仙幸瞻上聖是臣宿命合得度世母

曰汝恣欲淫亂殺伐奢侈欲解脫三尸全身永久難

可得也于但愛精握固閉氣吞液氣化為血血化為

精精化為液液化為骨行之不倦一年易氣二年易

血三年易脉四年易肉五年易髓六年易筋七年易

欽定四庫全書

類說卷一

骨八年易髮九年易形變化則道成道成則位為仙

人吐納六氣口中甘香

上元夫人

王母遣侍女與上元夫人相問曰天子好道適來視

之見其了了似可成進然形慢神穢五臟不淳肉多

精少三尸狡亂恐非仙才客主對坐悵悵不樂夫人

可暫來否須臾侍女返云阿環再拜上問起居遠隔

絳河擾以官事遂替顏色近五十年先被大帝君勅

諸玄洲校定天元正爾暫往如是當還時頃夫人至從官文武十餘人皆女子夫人可二十餘服青霜之袍作三角髻餘髮散垂至腰戴九靈夜光之冠曳六出火玉之珮垂鳳文琳華之綬腰流黃揮精之劍

五性

上元夫人謂帝曰汝好道乎數招方士登山祠神亦為勤矣然汝胎性暴胎性淫胎性奢胎性酷胎性賊五者常舍于紫衛之中五臟之內若徒今捨爾五性返諸柔善常為陰德救濟死厄不泄精液齋戒勤儉鳴天鼓飲玉漿蕩華池叩金梁按而行之當有冀爾今阿母迂大道之重駕降螭蛄之窟屈霄虛之靈鸞詣孤島之俎子厲之哉

尸解下方

王母曰此子勤心已久不遇良師尸解下方吾甚不惜今匈奴未弭邊陲有事何必令其倉猝捨天下之尊便入林岫如其迴改吾方數來

欽定四庫全書

雜說
卷一

五岳真形圖

帝見王母巾箱中有卷小書盛以紫金囊帝乞瞻覽母曰此五岳真形圖也昨青城諸仙就我請來乃三天太上所出其文祕禁豈汝機質所宜佩乎今且與汝靈先生經可以通神帝叩頭不已母曰欣子有心今以相與

十二事

上元夫人曰阿母發紫臺之文賜八會之書五岳真形雖睹妙理而無五帝六甲靈飛之符太陰六丁之錄太陽六戊之書左乙東蒙之文右庚攝殺之律壬癸六遯隱地術丙丁入火赤班符六辛致水月華之法六已藏景化形之方八稟十訣長生紫書內脉中方凡十二事何以總攝萬精驅策百鬼帝曰願賜指授夫人曰扶廣山青真小童有此金書祕字相告篇目幸加搜訪帝叩頭固請不已王母曰吾既賜以真形夫人告以十二事當為成之夫人曰阿環初學道

欽定四庫全書

雜說
卷一

九

於廣都之丘倒景君無常先生授十二事二君曰初學道者聽四十年一傳得道者四百年一傳得仙者四千年一傳得真者四萬年一傳阿環受書以來凡傳六十八女子固不可以授男也青真小童所受者文同青真男官也即命侍女往扶廣山勅青真出六甲十二事來以授天子須臾侍女還捧八色玉笈鳳文之藟云弟子阿昌受教金書秘字十二事輒封一通阿昌近在帝處見有上言者甚衆云山鬼哭於叢

欽定四庫全書

類說

十

林孤魂號於異域淫酷自恣必不度世詎宜以術傳於行尸奈真尊見勅不敢違耳王母笑曰此子誠多愆夫好道者精誠齋戒刻已反善存真守一行此一月除過一年上元夫人離席起立手執八色笈示帝母曰若汝反惡修善後三年七月更來告汝要道也

東方朔窺意

南憲下有人窺看帝驚問何人王母曰是汝侍郎東方朔我隣家小兒性多滑稽曾三來偷桃此子昔為

太上仙官太上令到方丈山但務遊戲擅弄雷電激波揚風致令蛟螭陸行山崩海竭太上謫斥使在人間近金華山二仙人及九疑男陳乞原之帝乃知朔非世俗之徒也

雲林之璫

上元夫人自彈雲林之璫歌步玄之曲於是酒酣宴畢與王母同乘而去

方朔乘龍飛去

欽定四庫全書

類說

十

帝乃信天下有神仙之事而淫色自性殺伐不休受書六年意旨自暢以為神真見降必獲度世興起臺館勞敝百姓每事不從王母之深言上元之妙戒二真遂不復來太初二年栢梁臺災真形圖六甲五帝靈飛十二事靈光生經並燒失不存但帝先承王母言以五岳圖授董仲君又承上元夫人言以六甲授李少君二書遂行於世帝既焚書自知道喪其後東方朔一旦乘龍飛去帝愈懊恨

經見山室

建康二年河東功曹採藥得經卷後題東觀臣姓名太守以進典書中郎曰孝武皇帝物也宣帝以付廟中

趙后外傳

伶玄字子于學無不通善屬文簡易尚真朴揚雄獨知之雄貪名矯激子于謝不與友子于歷刺守為淮南相出入有風情買妾樊通德嫗之弟有才色知書頗能言飛燕姊弟故事子于曰斯人俱灰滅矣方盛

欽定四庫全書

卷一

三

時疲精力馳騫嗜欲盡感之事寧知歸荒田野草乎通德枯袖顧燭影以手擁髻泣下曰淫於色非慧男子不至此慧則通則流流而不得其防則百物變態為溝為壑無所不往焉禮義成敗之說不能止其流惟感之以盛衰可以防其壞君悵然有荒田野草之悲婢子拊形屬影雖婕妤聞此不少遣乎幸主君著其傳使婢子執研削道所記於是撰趙后別傳右漢河東都尉伶玄自叙

宜主合德

馮萬金善歌世事江都王王孫女嫁江都中尉趙曼萬金又事曼因與主通曼有疾不能近婦人主有身恐乃稱疾居王宮一產二女歸之萬金長曰宜主次曰合德遂冒姓趙氏宜主聰悟家有彭祖方脉之書善行氣術長而纖細舉止翩然謂之飛燕合德膚滑出浴不濡善歌知音皆絕色也

新興髻慵來粧

欽定四庫全書

卷一

三

樊嫗進言合德美容貌帝召入宮合德新沐膏九迴沉水香為卷髮號新興髻為薄眉號遠山黛施小朱號慵來粧左右噴噴嗟賞宣帝時披香博士淳方成白髮教授宮中號淳夫人在帝後嚙曰此禍水也滅火必矣

禍水滅火見上

遠條館

帝為后開遠條館賜紫茸雲氣帳文玉几赤金九層

博山

溫柔鄉

帝謂合德為溫柔鄉曰吾老是鄉矣不能效武帝求白雲鄉也樊嬀賀曰陛下真得仙者合德號為嬀好

唾袖

后與嬀好坐誤唾嬀好袖曰妙唾染人紺袖正似石上華假令尚方為之未必能如此衣之華也以為石

華廣袖

欽定四庫全書

類說
卷一

嬀好翊護

后多通侍郎宮奴多子者嬀好傾心翊護常謂帝曰姊性剛或為人排陷則趙氏亡種矣每泣下悽惻以故白后姦狀者帝輒殺之后終無子

七香荳蔻湯

后浴五蘊七香湯嬀好浴荳蔻湯帝曰后雖有暑香不若嬀好體自香也后燎降神百蘊香嬀好傳露華

百英粉

萬年蛤不夜珠

真臘國進萬年蛤不夜珠光采皆若月照人無妍醜皆美艷帝以蛤賜后以珠賜嬀好曰吾晝視后不若夜視汝之美且令人忽忽如失嬀好即并以不夜珠為后壽終不道帝語

二十六物

后始加大號嬀好奏二十六物以賀金屑組文茵一鋪沉水香蓮心梳一面五色同心結一盤萬金錦一

欽定四庫全書

類說
卷一

疋琉璃屏風一張枕前不夜珠一枚含香綠毛狸藉一鋪通香虎文檀象一坐龍香握魚二首獨搖寶菱一鋪七迴光雄肪髮澤一盞紫金被褥香爐三枚菱花鏡一奩金彊環四指絳綃衣一襲文羅手藉三幅文犀辟毒箸二隻碧玉膏奩一合后報以雲錦五成帳沉水香玉壺嬀好怨帝曰非貴人姊賜我死不知此器帝詔益州留三年輸為嬀好作七成錦帳以沉水香飾

合宮之舟

帝於太液池作千人舟號合宮之舟起瀛洲廣榭后歌歸風送遠之曲帝以文犀簪擊玉甌酒酣風起后揚袖曰仙乎仙乎去故而就新帝令左右持其裾久之風止裙為之皺后曰帝恩我使我仙去不得他日宮姝或襲裙為縐號留仙裙婕妤益貴幸號昭儀

簪擊玉甌

留仙裙

並見上

欽定四庫全書

類說
卷一

赤鳳自為姊來

后所通宮奴燕赤鳳者雄捷能起樓閣兼通昭儀十月五日宮中故事上靈安廟吹塤擊鼓連臂踏歌歌赤鳳皇來曲后曰赤鳳皇為誰來昭儀曰赤鳳自為姊來寧為他人來乎后怒以杯抵昭儀裙曰鼠子能噬人乎昭儀曰穿其衣見其私足矣安在噬人乎昭儀素卑事后不虞見答之暴樊嫗扶昭儀拜泣曰姊寧忘共被夜長苦寒不成寐使合德擁姊背耶今幸

得貴且無外搏其忍內相搏乎后抽紫玉九鸞釵為

昭儀簪髻乃罷帝微聞其事以問昭儀昭儀曰后妬我耳以漢家火德故以帝為赤鳳帝信之大悅

紫玉九鸞釵

見上

少嬪館

帝為昭儀作少嬪館為露華殿含風殿博昌殿來安殿又為溫室凝缸室浴蘭室曲房連檻飾金玉為壁連遠條館號通仙門

欽定四庫全書

類說
卷一

楊妃外傳

霓裳羽衣曲

天寶四載冊太真宮女道士楊氏為貴妃半后服進見之日奏霓裳羽衣曲注劉禹錫詩云開元天子萬事足惟惜當時光景促三鄉陌上望仙山歸作霓裳羽衣曲仙心從此在瑤池三清八景相追隨天上忽乘白雲去世間空有秋風詞按逸史云天寶初中秋羅公遠曰陛下能從臣月中遊乎取桂枝擲空為大

橋色如白金上行至月宮女仙數百素衣飄然舞於廣廷上問何曲曰霓裳羽衣也是夕授金釵鈿合却暑犀如意辟香塵雲母起花屏風舞鳳交烟香爐潤玉合歡條脫紫瓊杯玉竹水紋簾並白花文石硯上又持紫金雙步搖親與挿鬢上喜曰朕得楊氏女如得至寶製曲曰得寶子

得寶子見上

給粉翠千緡

欽定四庫全書

雜說

九

七載加貴妃從兄國忠御史大夫鉅鴻臚卿女兄弟韓國次號國次秦國三夫人皆歲給粉翠千緡

杜甫詩

號國夫人不施粉粧自有美艷杜甫詩云號國夫人承主恩平明上馬入宮門却嫌脂粉污顏色澹掃蛾眉朝至尊上賜號國七寶冠國忠瑣子金帶皆希代之寶

七寶冠

瑣子金帶並見上竊寧王玉笛吹

明皇舊置五玉帳與兄弟同處妃子竊寧王玉笛吹故張祜詩云小花靜院無人見閒把寧王玉笛吹因此忤旨放出妃泣謂中使曰妾罪萬死衣服之外皆聖恩所賜唯髻與膚生從父母耳引刀剪髻髮一結以獻上遽召歸

生女勿悲酸

欽定四庫全書

雜說

九

十載上元日楊家五宅夜遊與廣寧公主騎從爭西市門楊氏奴揮公主墮馬駙馬程昌裔扶主因及數擣主泣奏上令決殺楊家奴昌裔停官於是楊氏轉橫時謠云生女勿悲酸生兒勿喜歡又曰男不封侯女作妃君看女却為門楣

紫雲迴

上嘗夢仙子十餘輩御卿雲而下各執樂器有仙人曰此曲神仙紫雲迴今授陛下為正始之音